

BASES REGULADORAS DA CONVOCATORIA DAS SUBVENCÍONS PARA A ORGANIZACIÓN DE FESTAS PARROQUIAIS DO CONCELLO DE MOECHE NO ANO 2019

Esta convocatoria rexerese polo disposto na Lei 38/2003, xeral de subvencións, no RD 887/2006, polo que se aproba o regulamento xeral de subvencións, na Lei 9/2007, do 13 de xuño, de subvencións de Galicia e polo resto de lexislación que lle resulte aplicable. E efectúase de conformidade coa Ordenanza xeral de subvencións do Concello de Moeche, aprobada polo Pleno en sesión de 18 de outubro de 2018.

1. Obxecto, condicións e finalidade da concesión da subvención

É obxecto das presentes bases regular a concesión mediante concorrencia competitiva, de axudas ás asociacións e comisións de festas deste Concello de Moeche para a celebración das seguintes festas patronais:

PARROQUIA	DENOMINACIÓN DA FESTA	MES DE CELEBRACIÓN
Abade	Santiago	Xullo
	Nosa Señora de Guadalupe	Setembro
Labacengos	San Xiao	Maio
	Santa María	Agosto
Santa Cruz	Festa do Carme	Xullo
	San Cibrao	Setembro
San Xoán	San Xoán	Xuño
	San Ramón	Agosto/setembro
	Nosa Señora do Rosario (Balocos)	Outubro
San Xurxo	San Xurxo/ San Marcos	Abril
	Nosa Señora dos Dolores	Setembro

2. Créditos orzamentarios

As subvencións que se concedan con cargo á presente convocatoria seranlles imputadas aos créditos previstos na partida 338.480.00 do orzamento de gastos e un orzamento máximo total de 3.300 € e cun importe máximo de 300 €/ festa.

3. Requisitos dos solicitantes da subvención

Serán requisitos para participar na presente convocatoria os seguintes:

- Carecer de ánimo de lucro.
- Desenvolver as súas actividades no termo municipal de Moeche.
- Ter concedido o correspondente permiso do Concello de Moeche para realizar as festas patronais.
- Non estar incurso en ningún dos supostos de prohibición previstos no artigo 13.2 da Lei 38/2003 do 17 de novembro, xeral de subvencións

4. Presentación de solicitudes e documentación necesaria.

4.1.- As solicitudes para a concesión destas axudas formalizaranse nos impresos normalizados que se inclúe como anexos as presentes bases. Poderán obterse nas oficinas municipais e na

paxina web municipal www.concellodemoeche.com e presentaranse no Rexistro Municipal do Concello de Moeche ou na sede electrónica do concello <https://sede.moeche>, no prazo dun mes contado a partir do seguinte ao da recepción da comunicación da concesión por parte do Concello da autorización para a celebración da festa para a que se solicite a subvención

No caso das festas, xa celebradas no ano 2019 antes da aprobación da presente convocatoria, o prazo de presentación da solicitude será dun mes contado a partir do día seguinte o da publicación da convocatoria no BOP

Xunto coa solicitude achegarase a seguinte documentación:

A) Se o solicitante está constituído como asociación

Solicitude en modelo normalizado que se facilitará no Rexistro municipal (Modelo I) e que incluirá:

- Programa das festas, datas de celebración e orzamento de gastos.
- Número de asociados en activo.
- Declaración do presidente da asociación de estar ao día das obrigas tributarias e da Seguridade Social.
- Declaración do presidente da entidade de non estar incurso en ningún dos supostos de prohibición previstos no artigo 13.2 da Lei 38/2003, do 17 de novembro, xeral de subvencións.
- Certificación do acordo de nomeamento dos membros da Xunta Directiva da asociación con expresión do nome, DNI e cargo.
- Certificación bancaria do número de conta a nome da asociación

B) Se o solicitante non está constituído como asociación

Solicitude en modelo normalizado (Modelo II) que se facilitará no Rexistro municipal e que incluirá:

- Programa das festas, datas de celebración e orzamento de gastos.
- Compromiso dos integrantes de realizar a actividade. (No caso de non realizarse antes de presentar a solicitude)
- Declaración do representante da entidade de non estar incurso en ningún dos supostos de prohibición previstos no artigo 13.2 da Lei 38/2003, de 17 de novembro, xeral de subvencións.
- Compromiso do representante de dedicar as cantidades subvencionadas á actividade.
- Escrito subscrito polos integrantes da comisión nomeando representante para os efectos de trámites administrativos e de recepción do importe da subvención.
- Certificado da conta bancaria a nome da comisión ou do representante da comisión designado para o cobro da subvención

4.2. A documentación que se entregue en fotocopia ha de vir debidamente compulsada, ou ben presentar os orixinais no concello para a súa compulsa.

4.3. O defecto, erro ou ausencia na presentación da documentación á que se refire esta base 4, deberá ser emendado no prazo de 10 días dende a recepción do requirimento.

5. Concesión da subvención

A concesión da subvención realizarase por acordo da Xunta de Goberno Local e notificaráselles ás persoas ou entidades interesadas, igualmente, ao final do exercicio, publicarase na páxina web do concello unha relación dos beneficiarios das axudas reguladas nas presentes bases.

Contra a desestimación expresa ou presunta das solicitudes presentadas poderán presentarse os recursos que procedan.

6. Xustificación e pagamento.

O prazo para a presentación da documentación xustificativa no Rexistro Xeral do Concello será de UN MES contado dende o día seguinte ao de ter recibido a notificación da concesión da subvención , de acordo co modelo recollido no anexo 3

A) Os gastos xustificativos da subvención deben axustarse ás actividades solicitadas.

B). O importe das subvencións concedidas, en ningún caso, poderá ser de tal contía que, en concorrencia con subvencións ou axudas doutras administracións públicas ou entidades privadas supere o custo da actividade subvencionada.

C). A cantidade concedida non poderá ser superior ao 80 % da cantidade xustificada. Se o importe da cantidade xustificada é inferior á cantidade que corresponda aplicando esta porcentaxe, a axuda reducirase proporcionalmente.

D). Documentación que debe presentar:

- Facturas orixinais ou fotocopias compulsadas.
- Declaración xurada do representante na que se certifique que o gasto reflectido nestas se dedicou á actividade obxecto da subvención.
- Orzamento de gastos e ingresos da festa con declaración das subvencións ou axudas recibidas

E). O pagamento da subvención realizarase no prazo dun mes contado a partir da presentación da documentación xustificativa, se esta resulta conforme.

F) A falta de presentación da documentación xustificativa no prazo previsto nas presentes bases supón a perda subvención concedida

7. Fin da vía administrativa

O acto de resolución da subvención esgota a vía administrativa. De acordo co que dispón o artigo 123 da Lei 39/2015, de 1 de outubro, del Procedemento Administrativo Común de las Administracións Públicas , poderá interpoñerse recurso potestativo de reposición ante a Xunta de Goberno, no prazo dun mes que contará dende o día seguinte de recibir a notificación, ou ben directamente recurso contencioso administrativo ante o Xulgado do Contencioso-Administrativo de Ferrol.

Disposición adicional

Para os efectos de salvagarda do dereito dos participantes na presente convocatoria á protección dos seus datos de carácter persoal, nos termos previstos na Lei orgánica 15/1999, do 13 de decembro, de protección de datos de carácter persoal, faise constar que os datos as subvencións concedidas deben quedar incorporadas ao Rexistro Público de Subvencións.
